

# **Reglur velferðarsviðs Reykjavíkurborgar um íþróttá- og tómsundastyrki fyrir börn á tekjulágum heimilum**

## **I. kafli Almennt**

### **1. gr.**

#### **Markmið og grundvöllur**

Markmið reglna þessara er að veita styrki til tekjulágra heimila þannig að öll börn geti óháð efnahag stundað íþróttir og aðrar tómsundir, sbr. lög nr. 26/2020, nr. 36/2020, um afmarkaðar og tímabundnar ráðstafanir til að bregðast við áhrifum COVID-19 faraldursins.

Reglur þessar byggjast á leiðbeiningum félagsmálaráðuneytisins sem gefnar voru út til að samræma úthlutun sérstakra íþróttá- og tómsundastyrkja fyrir börn á tekjulágum heimilum.

## **II. kafli Umsókn og skilyrði**

### **2. gr.**

#### **Styrkur vegna íþróttá- og tómsundastarfs**

Miða skal við að íþróttá- og tómsundaiðkun fari fram á skólaárinu 2020-2021.

Styrkur vegna kostnaðar við íþróttá- og tómsundastarf á skólaárinu 2020-2021 getur numið allt að 45.000 kr. fyrir hvert barn.

Styrkir samkvæmt reglum þessum skulu veittir í samræmi við þau skilyrði sem gilda um Frístundakort Reykjavíkurborgar, sbr. reglur um Frístundakort sem samþykktar voru á fundi íþróttá- og tómsundaráðs Reykjavíkur þann 3. febrúar 2017. Þó eru frístundaheimili og sumarnámskeið undanskilin. Einungis skal veita styrki samkvæmt reglum þessum vegna íþróttá- og tómsundastarf hjá þeim samtökum sem eru viðurkenndir aðilar að Frístundakorti Reykjavíkurborgar, sbr. fyrrgreindar reglur.

### **3. gr.**

#### **Umsókn**

Umsókn skal gerð með rafrænum hætti í gegn um Ísland.is og/eða á vef Reykjavíkurborgar. Staðfesta skal rafræna umsókn með rafrænum skilríkjum eða Íslykli umsækjanda. Ekki er gerð krafa um undirritun þegar umsókn er gerð með rafrænum hætti.

Umsóknarfrestur er til ~~28. febrúar~~ 15. apríl 2021.

#### **4. gr.**

##### **Skilyrði**

Til þess að eiga rétt á styrk vegna íþróttá- og tómstundastarfs samkvæmt reglum þessum þurfa eftirfarandi skilyrði að vera uppfyllt:

- a. Umsækjandi skal eiga lögheimili í Reykjavík.
- b. Barn umsækjanda skal fætt á árunum 2005 til 2014 og eiga lögheimili hjá umsækjanda.
- c. Barn umsækjanda skal eiga lögheimili þar sem heildartekjur framfærenda, einstaklings, hjóna eða sambúðarfólks, voru að meðaltali lægri en 740.000 kr. á mánuði á tímabilinu mars til júlí 2020.

Til þess að hægt sé að ljúka greiðslu vegna styrks samkvæmt reglum þessum skal framvísa kvittun frá aðildarfélagi Frístundakorts Reykjavíkurborgar fyrir 1. maí 2021. Í kvittun skal koma fram nafn og kennitala viðkomandi barns, hvaða íþróttá- og tómstundastarf er um að ræða, dagsetning og upphæð.

### **III. kafli**

#### **Málsmeðferð og gildistaka**

#### **5. gr.**

##### **Málsmeðferð**

Um málsmeðferð gilda ákvæði stjórnarsýslulaga, nr. 37/1993, ákvæði XVI. og XVII. kafla laga um félagsþjónustu sveitarfélaga, nr. 40/1991 og málsmeðferðarreglur í V. kafla reglna um fjárhagsaðstoð frá Reykjavíkurborg, eftir því sem við á.

#### **6. gr.**

##### **Varðveisla gagna, trúnaður og aðgangur að gögnum**

Málgögn er varða persónulega hagi einstaklinga skulu varðveitt með tryggilegum hætti. Hafi starfsmenn kynnst einkahögum umsækjanda eða annarra í starfi sínu er leynt eiga að fara samkvæmt lögum eða eðli máls er þeim óheimilt að fjalla um þau mál við óviðkomandi nema að fengnu samþykki viðkomandi.

Umsækjandi á rétt á að kynna sér upplýsingar úr skráðum gögnum sem varða mál hans að svo miklu leyti sem það stangast ekki á við trúnað gagnvart öðrum.

Vinnsla mála og varðveisla gagna byggist á lögum um persónuvernd og vinnslu persónuupplýsinga, nr. 90/2018. Upplýsingar um vinnslu persónuupplýsinga má finna í persónuverndarstefnu Reykjavíkurborgar sem aðgengileg er á vefsíðu Reykjavíkurborgar.

## **7. gr.**

### **Niðurstaða og rökstuðningur synjunar**

Kynna skal niðurstöðu umsóknar svo fljótt sem unnt er. Sé umsókn synjað skal umsækjandi fá svar þar sem vísað er með skýrum hætti til viðeigandi ákvæða reglna þessara og leiðbeint um heimild til að óska rökstuðnings fyrir synjun.

Upplýsa skal umsækjanda um rétt hans til að fara fram á að áfrýjunarnefnd velferðarráðs fjalli um umsóknina en slík beiðni skal berast áfrýjunarnefnd velferðarráðs innan fjögurra vikna frá því að umsækjanda barst vitneskja um ákvörðun.

Ákvörðun áfrýjunarnefndar velferðarráðs skal kynnt umsækjanda og um leið skal honum kynntur réttur hans til málskots til úrskurðarnefndar velferðarmála.

## **8. gr.**

### **Heimild áfrýjunarnefndar Reykjavíkurborgar til að veita undanþágu frá reglum þessum**

Áfrýjunarnefnd Reykjavíkurborgar hefur heimild til að veita undanþágu frá reglum þessum ef sérstakar málefnalegar ástæður liggja fyrir og umsækjandi fer fram á það með sérstakri beiðni til áfrýjunarnefndar Reykjavíkurborgar innan fjögurra vikna frá því umsækjanda barst vitneskja um ákvörðun.

## **9. gr.**

### **Kæra til úrskurðarnefndar velferðarmála**

Umsækjandi getur kært ákvörðun áfrýjunarnefndar velferðarráðs til úrskurðarnefndar velferðarmála. Skal það gert innan þriggja mánaða frá því að umsækjanda var kunngerð ákvörðun áfrýjunarnefndar velferðarráðs.

## **10. gr.**

### **Gildistaka**

Reglur þessar eru settar með stoð í VI. kafla laga um félagsþjónustu, nr. 40/1991, og byggjast á leiðbeiningum sem gefnar voru út af félagsmálaráðuneytinu til að samræma úthlutun sérstakra íþrótta- og tómstundastyrkja fyrir börn á tekjulágum heimilum.

Reglur þessar öðlast þegar gildi og gilda til 10. júní 2021.

### **Fylgiskjal:**

Leiðbeiningar fyrir sveitarfélög um sérstaka íþrótta- og tómstundastyrki fyrir börn á tekjulágum heimilum skólaárið 2020-2021.

# Leiðbeiningar

## fyrir sveitarfélög um sérstaka íþrótt- og tómstundastyrki fyrir börn á tekjulágum heimilum skólaárið 2020-2021

Í fjárukalögum fyrir árið 2020, sbr. lög nr. 26/2020, nr. 36/2020, um afmarkaðar og tímabundnar ráðstafanir til að bregðast við áhrifum COVID-19 faraldursins, var samþykkt 600 m.kr. framlag til sveitarfélaga í því skyni að gera þeim kleift að veita styrki til tekjulágra heimila þannig að öll börn geti óháð efnahag stundað íþróttir og aðrar tómstundir.

Leiðbeiningar þessar eru gefnar út af félagsmálaráðuneytinu til að samræma úthlutun sérstakra íþrótt- og tómstundastyrkja fyrir börn á tekjulágum heimilum. Styrkirnir eru veittir af sveitarfélögum á grundvelli VI. kafla laga um félagsþjónustu sveitarfélaga nr. 40/1991.

Sveitarfélög setja sérstakar reglur um íþrótt- og tómstundastyrki fyrir börn á tekjulágum heimilum.

### 1. gr.

Fyrir lok skólaárs 2020-2021 skulu sveitarfélög greiða íþrótt- og tómstundastyrk með börnum fæddum á árunum 2005 til 2014 á tekjulágum heimilum, þ.e. sem eru með lögheimili á heimili þar sem heildartekjur framfærenda, einstaklings, hjóna eða sambúðarfólks, voru að meðaltali lægri en 740.000 kr. á mánuði á tímabilinu mars til júlí 2020.

Styrk skal greiða vegna kostnaðar við íþrótt- og tómstundastarf á skólaárinu 2020-2021, allt að 45.000 kr. fyrir hvert barn.

### 2. gr.

Íþrótt- og tómstundastyrk skal greiða samkvæmt umsókn til sveitarfélags. Umsókn skal berast fyrir 1. mars 2021 og miða skal við að íþrótt- og tómstundaiðkunin fari fram á skólaárinu 2020-2021.

Áður en umsækjandi sækir um styrkinn hjá sveitarfélagi kannar hann rétt sinn hjá Ísland.is. Þar fær hann sjálfvirka niðurstöðu um hvort hann uppfylli tekjuviðmið skv. 1. gr. reglnanna, ásamt leiðbeiningum um næstu skref. Ef umsækjandi uppfyllir tekjuviðmið er sú niðurstaða aðgengileg sveitarfélögum á þar til gerðri vefsíðu (bakendakerfi) með íslykli eða rafrænum skilríkjum. Þegar sjálfvirk niðurstaða liggur fyrir sækir umsækjandi um styrkinn hjá sveitarfélagi. Sveitarfélag tekur ákvörðun um úthlutun styrks á grundvelli umsóknar að fengnum gögnum um kostnað umsækjanda við íþrótt- og tómstundastarf barnsins á árinu 2020.

### 3. gr.

Um málsmeðferð, þ.m.t. kæruheimild, fer samkvæmt lögum um félagsþjónustu sveitarfélaga nr. 40/1991.